



TOI WHAKAARI MĀORI

PAEREWĀ 22756 (TAUIRA 8)

Te whakaatu i tētahi whakaaturanga toi whakaari Māori.

(Kaupae 3, Whiwhinga 10)

PUKAPUKA ĀKONGA



Ingoa	
Kura/Wānanga	
Kaiako/Kaiaromātai	
Tau Ākonga NSN	

Tēnā koe

Anei tō pukapuka aromatawai mō te Paerewa Toi Whakaari Māori **22756, Te whakaatu i tētahi whakaaturanga toi whakaari Māori.**

Paearu Aromatawai

Paetae	Kaiaka	Kairangi
Te whakaatu i tētahi whakaaturanga toi whakaari Māori.	He kaiaka te whakaatu i tētahi whakaaturanga toi whakaari Māori i runga i te kaha me te ihiihi	He kairangi te whakaatu mai i tētahi whakaaturanga toi whakaari Māori i runga anō i te maia me te matatau.

KOTAHI (1) te tūmahi aromatawai mō tēnei paerewa hei whakaoti tika i a koe. Ko ngā taumata whiwhi o te paerewa, ko te PAETAETAE, KAIAKA, me te KAIRANGI hoki. Ka whakatauhia nei te taumata whiwhi tika e ai ki tō kaha whakatutuki i te paearu aromatawai.

Te tūmahi aromatawai:

1. Whakaatuhia mai he whakaaturanga toi whakaari Māori e ai ki ngā tikanga ā-iwi, ki ngā pūtake rānei o ia mahi.

Me mātua whakaatu mai te whakaaturanga toi whakaari Māori, i ngā mahi e WHĀ e whai ake nei; he whakaeke, he mōteatea, he waiata ā-ringa, he poi, he haka, he haka wahine, he whakamutunga/whakawātea.

Me mātua whakaatu ā-takitahi, ā-rōpū rānei ngā mahi e WHĀ (kua rārangihia ki runga) mō tēnei paerewa. Ka whakamārama atu hoki tō kaiako/kaiaromātai i te roanga o te mahi me te wā kei mua i a koe hei whakaoti.

Te Hāponotonga

E ai ki ngā ture o NZQA:

- Nāu anō ngā mahi katoa i whakarite hei aromatawai
- Mā te kaiako/kaiaromātai e whaiwhakaaro (e whakatau) mēnā he mahi pea kua tāruatia, kua tango mai rānei i tētahi atu ākongā, i tētahi pukapuka, i te ipurangi, i te aha atu, i te aha atu.

E taea e koe te ako ngātahi, te mahi ngātahi rānei i ētahi atu tangata hei kohikohi kōrero i ngā puna tautoko huhua. Heoti, me mātua mōhio nei te kaiako/kaiaromātai, nāu anō ngā mahi i whakarite, i whakatakoto. Hei akiaki tonu i te hāponotonga o āu mahi katoa me whakamahi anō koe i āu ake kupu ā, me noho mai he āpitianga tohutoro i āu puna tautoko.

Me he pātai, he āwangawanga anō ōu, me kōrero ki tō kaiako/kaiaromātai.

Tirohia te hononga paetuku nei mō ngā whakamahuki atu:

<https://www.nzqa.govt.nz/providers-partners/assessment-and-moderation-of-standards/assessment-of-standards/generic-resources/authenticity/>.

NGĀ TŪMAHI AROMATAWAI ME NGĀ PEPA MAHI

Ingoa

NSN #

Putanga 1

Te whakaatu i tētahi whakaaturanga toi whakaari Māori

Te whanuitanga:

Me mātua whakaatu mai te whakaaturanga i ngā mahi e WHĀ e whai ake ana – whakaeke, mōteatea, waiata ā-ringa, poi, haka, haka wahine, whakamutunga/whakawātea.

Tūmahi aromatawai 1

Whakaatuhia mai ngā mahi e WHĀ (4) hei whakaaturanga toi whakaari Māori, e hāngai ana ki:

ngā tikanga ā-iwi, ā-hapū, ā-whānau hoki me te pūtake rānei o ia mahi;

ngā kawatau o ia mahi

Me whai tonu ngā nekenekehanga ki ngā pūtake o te whakaaturanga.

Me whaiwhakaaro hoki ki ngā tūāhuatanga e whai ake ana:

- He titonga te 'mahi' e whakamahi ana i te tinana, i te reo, i ngā kupu waiata hoki
- He kaitito te 'pūtake' (nāna ngā kupu o ngā 'mahi'), ko tōna iwi; ko te rā me te take i titoa ai; ko te tākune me te momo hoki o te 'mahi';
- He 'kawatau' te tikanga, te kaupapa, te wairua, te rangi me ngā kupu hoki o te 'mahi'.

Kia maumahara noa koe;

Hei tohu i te Paetae me:

- matatau koe ki ngā kupu;
- tika te mita, te whakahua kupu, te hā hoki;
- tika te whai i te rangi;
- hāngai te tū me te kori tinana/mahi-ā-ringa ki ngā tikanga me te pūtake o ia mahi

Hei tohu i te Kaiaka me:

- pūmau ki te tangi me te wairua o te rangi o ia waiata, o ia haka rānei;
- hāngai pū te kori tinana ki te wairua me ngā kupu hoki o ia mahi, ā, me pakari nei te tū

Hei tohu i te Kairangi me:

- pakari te tū ki te korikori tinana, ā, me auaha hoki;
- puta te wairua o te rangi kei ia waiata kei ia haka rānei, mai i te tīmatanga tae noa ki te whakamutunga;
- puta te wairua o te whakatinana kupu kei ia waiata kei ia haka rānei, mai i te tīmatanga tae noa ki te whakamutunga.

Ka rekoata ā-kiriata tō whakaaturanga toi whakaari Māori - hei mahi takitahi, hei mahi ā-rōpū rānei. Mā tō kaiako/kaiaromātai anō koe e whakamōhio nei e ai ki ngā whakaritenga o te mahi rekoata.

Me mātua hāngai nei ngā mahi katoa o te whakaaturanga toi whakaari Māori ki:

- ngā tikanga ā-iwi, ā-hapū, ā-whānau;
- ngā kawata katoa o te/ngā kaitito ('pūtake')

Me he pātai, he āwangawanga anō ōu, kōrero atu ki tō kaiako/kaiaromātai.

Kia kaha!

PUTANGA 2

TĀ TE KAIAKO/KAIAROMĀTAI PEPA AROMATAWAI

Te whakaaturanga a te Ākongā

ĀKONGA		WHAKAATURANGA	Whakaeke, mōteatea, waiata ā-ringa, poi, haka, haka wahine, whakamutunga/whakawātea
RĀ		(ngā mahi e wha)	

PUTANGA	NGĀ TAUNAKITANGA	NGĀ KŌRERO KAIAKO/ KAIAROMĀTAI
NGĀ MAHI (Kōwhiria kia WHĀ)	Tohua te pouaka tika.	
whakaeke <input type="checkbox"/>	Kua matatau ki ngā kupu.	
mōteatea <input type="checkbox"/>	Kua tika te mita, te whakahua kupu, te hā hoki;	
waiata ā-ringa <input type="checkbox"/>	Kua tika te whai i te rangi;	
poi <input type="checkbox"/>	Kua hāngai te tū me te kori a te tinana/mahi ā-ringa, ki ngā tikanga me te pūtaka o ia waiata, haka rānei	
haka <input type="checkbox"/>	Paetae <input type="checkbox"/>	
haka wahine <input type="checkbox"/>	Kua pūmau ki te tangi me te wairua o te rangi o ia waiata, haka rānei.	
whakamutunga/whakawātea <input type="checkbox"/>	Pakari ana te tū, ā, kua hāngai pū te kori a te tinana ki te wairua me ngā kupu o ia waiata, haka rānei.	
Te whakaatu i te whakaaturanga toi whakaari Māori.	Kaiaka <input type="checkbox"/>	
	Kua tika te whakaputa wairua i te rangi o ia waiata, haka rānei, mai i te tīmatanga ki te whakamutunga.	
	Kua tika te whakaputa wairua i te whakatinanatanga o ngā kupu o ia waiata, haka rānei, mai i te tīmatanga ki te whakamutunga.	
	Kua pakari te tū me te korikori tinana, ā, kua puta hoki ngā mahi auaha.	
	Kairangi <input type="checkbox"/>	